

■ GLOSSA

Surselva first, Surselva first!

DA SILVIO CAMENISCH

Mettain si ina giada noss eglieis rosa e siemiain co ch'in Donald «twitter» Trump dumagnass puspè enavant la Surselva. Ussa quels umens vegls, alvs, burgais vilads, («Wutbürger») ch'èn stads si, han defendì il terratsch (ch'i fiss obligaziun scritta per tuts e tuttas) ed han terrà il Parc e scrit istorgia locala, navair, quels burgais han era dumagnà puspè enavant la Surselva, pir la Cadi.

Duess, stuess ins betg «finalmain» undrar ils meritaivels schain cun ina «Via XXVII november» tras ils lieus Sumvitg e Surrein? Ina «Plazza dils burgheis», in «Parc dalla Resistenza XXVII november» epi in «Museum naziunal dallas Armas», cun tur, café, stizuns da devoziunalias, cudeschs en «nies lungatg» ma schon er en englais e chinais.

Ussa ussa che quels burgais vilads n'èn betg pli uschè radioactivs e coin sco er schon, han ins l'impressiun ch'i regia puspè ruaus da fossas sin Surselva, pir Cadi. In pau sco a Tschernobyl, en Ucraina, tratg suren in sarcofag e buna notg. I duvrass in Trump per dumagnar enavant la Surselva. Enavant u enavos, retro, uschia insatge sco equal, basta insanua.

Surselva first!, schess noss Donald «twitter» Trump. Pli emprim vegniss



el saramentà sisum stgalas dal Capitol da la Chasa alva. Surselva sura l'emprim, Cadi first, gliez è segir. Melania tegness a ses um, ma tgenin, la bibla e la constituziun, per ch'el sappia metter ses maun vidlonder. Sisura. Suten tegna gea Melania la bibla e la constituziun (n'è quai betg il precis medem?) «Statuts dalla Prodioms, secziun Surselva» first ed ussa finalmain l'act da tschert!

Gia la damaun, il president anc en mantè da bogn, emprims decrets via twitter or ellas auras e burasas si la Cadi. Nus dain enavos al pievel ses grip e ses crap. Giu Tavanasa punts, tantas sco insatge vul, fashain nus in mir cunter immigrants illegals. Quel pajan ils Mexicans sursilvans.

Nagina «Obamacare» Surselva a partir dad ussa. Vossa cassa da malsaus na vegn betg premda mo midada! Grondius. (polesch) Meglier betg vegnir malsau pli e pitir, pitir, epi, epi murir (bucca ra-

dunda, tgil giaglina, sco mo Donald Trump sa far ina).

Nus fabritgain mo pli qua. Surselva first. Nagut ordaifer. Tut cun da nossas materias primas. Nova viafier da pioniers en Lumnezia. Automobils. Maschinas en cuschina u computers en uigl. Smartphones sin il tavulin da notg e da la litteratura. Tgi che turna si da Schluein tempel da cumpras cun tonnaschas immediat 30%, 40% duana d'import.

Enus dain enavos al pievel las vischnancas. Betg ina fusiun mitscha dal decret. A las vischnancas dain nus enavos ils burgais e la dignitad. Nus duvrain ina dretga defensiun burgaisa! Mintga dretg burgais tschinta cun dus colts enturn tgil e winchester a la John Wyne en pugn. La paina da mort a tuts lufs funcziuna, sche tuts republicans sustegnan (poleschs, applaus). Jeu sun in Sursilvan!, di il president da tschert.

Jeu tgutga sun nundetga fàna da Trump, quei fas ti buca in'idea!» confessa pront ina dretga burgaisa e morda las unglas, il smartphone rosa e serra las chommas e tegna la pischa. Tge chaussas! Smartphone n'avev'ins betg pli baud. Ins telefonava e twittrava cun cuppas da raviolis, ina corda tranteren. «Nus savevan da nuot auter» ed eran forsa pli «cuntianzs» din dus vegls maridai.